

四庫全書

集部

欽定四庫全書

石倉歷代詩選卷四百六十二

明 曹學佺 編

明詩次集九十六

范嵩

夜雨次謝梅岐韻

石燕拂空飛驟雨喧窗次  
鈺建勢如傾風迴聲若淅陰  
霾四望彌膏澤千家施轟雷寂復鳴宿鳥驚還遲霽霈

遍塵寰須臾足溝遂天造陡晦冥月姊翻嫌忌爽氣入  
簾深寒霏沾袂漬潛滋土脉和半褪春桃膩洒洒滴空  
堦淒淒來晚吹藜牀夜屢移竹几凭難寐補陋竟何裨  
褰裳聊爾避羈懷動客愁桂艇憑誰寄散亂若跳珠摧  
殘如忿鷺漂麥水衝堦滋蘭芬入鼻更催漏箭頻燈逼  
簷花綴翻憐乳雀巢祇悅枯魚肆閃電掣金蛇浮雲飛  
鐵騎敲蓬驅睡魔洒慢傷閨思沾衣生暗寒浥柳添新  
媚詰旦啓柴關煙雲飛滿地

送屠方齋大叅之任滇陽

曉發建溪道，雙旌拂曙行。  
長江淨如苔，晴影上危城。  
宦遊當盛時，豈憚萬里程。  
輪蹄滿脩途，舟車戒晨征。  
古驛出高閣，細雨鳴倉庚。  
君當英妙齡，昂藏負才名。  
挾策對彤墀，袍笏承恩榮。  
乘驄我劣冠，柏府揚休聲。  
挺挺冰雪姿，皎皎秋蟾明。  
寵命自天來，持節向南溟。  
六詔古炎方，控引川與荆。  
君有經濟才，旬宣看隆平。  
蹇予海南時，誤辱君褒旌。  
睽違幾星霜，瞻戀恒縈縈。  
茲當遠別離，一尊

話郵亭川原阻且脩  
繾綣難為情好風送微涼  
綠樹敷繁陰孤鳥望中沒  
羣峰天際橫行行毋需留  
新恩出承明

碧溪為萬同府作

輕煖雨初霽煩囂了不關  
物華彌宇宙景色遍塵寰  
疎柳和煙暝喬松綴露搏  
波澄浮鴨綠雲破見螺鬟  
梅白霜華重堤平樹影寒  
樵聲深谷外漁唱夕陽間  
地迥莓苔古時芳草木蕃  
臨風聽鳥語依石坐江干  
夜氣侵書

榻溪光照酒顏江涵青似染川淨水如紈孤鶩隨霞落  
征鴻載月還凭欄時眺望清興滿詩壇

遊歸宗巖

藜杖乘閒度穹壑石磴層層誰斧鑿柴門踈柳拂晴煙  
灌木垂蘿掛高閣十里荷花照眼明一尊肯負山靈約  
碧岑瀑布開畫圖朱簷風過喧鈴索榕偃深根卧蟄龍  
松號靜夜鳴玄鶴小橋曲徑信躋攀蒼苔蘊藻香綽邈  
岡巒雨過塵埃清溪澗鹿行水痕濁夕照斜移紅樹迴

晴暉遠映嵐光薄，鳥外羣峰擁翠奇。  
亭前諸景誰云弱，蓬萊琪樹喬參天。  
石竇清流冷如昨，入座薰風生嫩涼。  
沾衣小雨迷前郭，蔚藍別有一乾坤。  
四顧茫茫成廣漠，崔嵬直欲躡危巔。  
當午煩蒸還小却，諸公清雅遠形役。  
掃石誅茅書碧落，眇予小子叨追陪。  
坐對巖岵欣有託。

送推刑周梅厓考績

閩嶺風高候雁分，寒生水郭夕陽曛。  
數株衰柳散疎影，無限離情逐去雲。  
先生本是瀟溪裔，奕葉蜚聲誰可儼。

早年勸駕入成均，玉雪精神真偉器。  
司刑三載邁羣英，遠攜政績覲神京。  
萬里風雲生驥足，一方黎庶擁行旌。  
把手郵亭情未已，山城斜月沈江水。  
驪駒歌罷酒盃空，笑指前山暮煙紫。  
江上梅花撲面清，江村煙樹雪初晴。  
行看高步雲霄上，佇聽徵書出帝城。

題一鯖百鰕圖為李同寅作

長江春暖水草稠，遊魚隊隊沈還浮。  
悠然自得不受餌，寄語漁郎莫網鉤。  
大者如鯢勢縱壑，溟海飛出崢頭角。



煦沫為雨氣為雲稿者以蕪耕者樂太平天子居九重  
深山窮谷歌年豐此魚變化固難測誰謂渠在凡鱗中

謁冠萊公祠

古廟凌雲迥精忠貫日紅豪華成往事孤注見奇功秋  
草棲朝露花香度晚風百年時事改瞻仰古今同

送向太守中美之廉

黃甲聲華舊銅符寵渥新清風隨去節甘雨浥輕塵夜  
火州邊驛鶯花白下春一尊須判醉明日異鄉人

南村為華亭劉司訓作

宦海抽身後村南寄此生  
數椽茅屋小一曲練江橫  
風月閒為主琴書靜適情  
悠然塵市外名利本來輕

獨坐次謝伯一韻

閒散真無事虛齋對月孤  
才慚曹子建性數董安于  
醉後聊憑几吟餘謾撚鬚  
悠然成吏隱習靜似禪臞

一榻清風

高卧北窗下清微一榻風  
絕無塵俗累應有故人同香

度紅葉外涼生白  
亭中陶然忘世累  
即此是深衷

金峰積翠

遠望高峰好殘暉  
半照臨山嵐晴杳  
藹春樹影蕭森綠  
髻煙中見青屏  
雨後深此間有真  
趣頓爾息機心

送潘少宰應召之京

客裏難為別徘徊  
日欲晡留都聲藉  
甚魏闕寵應殊秋  
老山容減潮平月  
色鋪虞廷重欽恤  
弼教簡名儒

東溪小隱

東溪多勝槩山水愜幽情  
細浪鷗邊沒涼風竹外深  
潭沈雁影幽谷貯鶯聲  
地僻塵囂遠年來此濯纓

丹崖館

雲散天如洗涼亭景物秋  
輕煙籠野色細雨暗蔬疇  
山靜聞啼鳥溪光見遠洲  
觀風兼問俗不是為身謀

宮辭

一葉下滄洲砧聲動旅愁  
西風孤楚夢淡月冷秦樓  
蟬曳柳梢露鴈橫天際秋  
倚門閒眺望鴉盡夕陽收

竹澗

占得淇園地新栽竹萬竿清陰低拂石翠色下侵湍幽  
靜還宜暑孤高更耐寒吟餘詩思爽不獨可棲鸞

飲疊嶂樓

遠望更嵯峨長松掛綠蘿浮雲歸太華高閣倚晴河露  
溢蟬聲急嵐光鴈影多酒酣人散後明月滿山坡

送李原正通府榮滿之京

未盡杯中酒先登李郭舟櫓聲半江月樹色滿林秋惠

政蒲鞭裏離情古渡頭天朝多雨露行看寵恩優

送劉同寅士鳳乃叔還永豐

秣陵初邂逅情到別離親煙樹河橋雨驪駒驛路塵冶  
城平見寺淮水遠通津明日思君處青莎滿渚濱

其二

異鄉同是客君去我誰親日永星占火涼添雨浥塵輕  
煙籠野色芳草暗雲津後會知何處徘徊蘆荻濱

遊歸宗巖次方益齋韻

緩步清幽境庭空月一方洞深苔蘚古天濶水雲長霞  
絢千峰錦潮翻五月霜凭欄時小立漁笛起滄浪

同汪方塘少叅宿城月驛用汪韻

颯颯西風起白蘋無端歸思與時新迂踈每自慚尸素  
孱薄憑誰減劇辛把酒且同今夜月看花因憶昔年人  
追陪不覺秋容老野外幽芳放小春

送謝君邦應之湘陰

相逢尊酒話他邦卓犖如君信少雙耿耿襟懷涵夜月

飄飄文思湧長江臨民擬聽清風頌  
咏別慚無白雪腔  
相對孤燈意難盡雞鳴不覺到紗窗

挽華處士

養晦林泉七十齡忽驚雲翳少微星  
花邊已冷尋詩屐  
篋內惟留教子經華表鶴歸霜月白  
草堂人去暮山青  
平生行誼鄉評重細讀銘文淚欲零

送林上舍還鄖

成均卒業竟三冬回首家鄉歸興濃  
驛路逢春梅幾樹



客窗談別酒千鍾霜橫古道嘶疲馬月滿空山聽曙鐘  
才識如君應不負早攜書劍覲重瞳

送葉靜之上舍還閩

成均卒業惜三餘文采青年愧不如名姓喜看登仕版  
琴書謾束掛征車吳江風暖花爭發浙水春深柳正舒  
壯志知君應不負橫飛端在九秋初

題雲窗殿下寄槎亭

幽亭無日不登臨泛泛輕槎繫綠陰詩酒每來塵外客

笙歌時雜竹間禽  
山頭雨歇月當戶  
檻外花飛風滿林  
莫訝凭欄發長嘯  
百年能得幾知春

同禮部王南原黃德裕吏科潘希召遊獻花巖  
用潘韻

新晴清興偶同乘  
掃石留題憶舊曾  
官道聯鑣無俗侶  
禪床迎客有高僧  
珠林對酒循環飲  
石磴凌空次第登  
萬里長江供遠望  
攀躋絕頂力猶勝

送陳正郎之任

浦樹江雲入望遙  
晚涼風定水痕銷  
野鳬狎客依蘭舫  
江燕留春集柳條  
舊雨故園頻積夢  
青雲前路正趨朝  
明朝相憶人千里  
回首文光入九霄

送潘黃門致仕

脫却朝簪便賦歸  
喜從林下製荷衣  
金蘭氣味交猶重  
冰玉家聲願不違  
滄海壯懷雙寶劍  
青山歸夢一漁磯  
升沈榮辱何須問  
請看浮雲出翠微

送李貞夫代同寅作

便把圖書付小車急流先退甚慚吾幽棲謾自攜臞鶴  
高卧從人笑懶夫一葉漁舟真活計數椽書屋是良圖  
誰云林下渾無事里閑追從有酒徒

送吳秀士回延平

治城煙柳綰行旌聚首無幾又送行黃葉翻風秋正爽  
紅蕖浥露氣偏清雲津水漲看龍化桂籍香浮聽鹿鳴  
征騎駢駢隨鴈遠送君無限故鄉情

用王參伯韻送鄭黃門同年

好山如畫送行程十里嵐光照日明遠渚芙蓉秋色淡  
長亭楊柳暮煙橫看花猶憶當年事把酒須拚此日情  
聞說行囊有新疏知君端不負生平

寫懷再用前韻

羸馬驅馳幾日程山城草色夕陽明閩關路杳魚書斷  
秦嶺風高鴈陣橫客裏逢秋誰對酒枕邊聽雨獨關情  
自慚疎拙渾無補欲把行藏問廣平

立冬日宿東峰驛次李五石韻

俄驚節序臨冬月，未忝低低傍水稠。  
午夜漏殘燈焰小，銅盤風細篆香浮。  
寒威漸覺生臺館，疏草何妨載竹篝。  
勒馬山前回首望，薊門煙雨正堪愁。

三月在旌德次姜二守壁間韻

羸馬山行到日斜，寒鴉幾點度殘霞。  
半簾霽色煙初暝，滿耳鶯聲興未涯。  
淡綠遠紅村外景，小橋流水野人家。  
驅馳不覺春光老，醉倚東風看落花。

過太平書懷

黃雲漠漠楚天低倦鳥東飛又復西滿徑西風驚老葉  
半窗明月誤殘雞賦歸未許陶元亮身鬻羞稱百里奚  
屈指光陰秋又老沙寒鴈落雨淒淒

宮辭

何處砧聲滿竹床寒蛩唧唧夜偏長珠簾捲雨窗櫺潤  
銀漢回秋枕簟涼玉露漫空螢影濕金風掠地桂花香  
梧桐葉落無人掃月上空階菊有霜

東溪小隱

獨向東溪構小亭朝來爽氣入窗楹沙頭雨過圖書潤  
柳外風生釣艇橫萬頃碧波天共色雙泓素練月同清  
長津水煖魚龍化未許滄浪便濯纓

春盡

異鄉風景也應憐桑柘成陰起曙煙青鏡流年雙鬢改  
小窗疎雨一燈懸竹抽嫩綠雕闌畔花褪殘紅淨几前  
午枕不成蝴蝶夢樹分清影上危弦

陳武選邀賞芍藥次韻



名花艷艷映袍緋半出閨干半出幃紅紫依偎嬌欲語  
主賓酬酢暮忘歸露滋金粉香痕濕色照霞杯酒暈輝  
只恐明朝風韻減慙勤相與惜晴暉

送黃上舍還尤溪

江亭煙樹雨溟溟一曲驪歌酒半醒國學昔年升造士  
銓曹此日籍明經梨關月色杯中見劍浦秋聲笛裏聽  
別後相期君莫負擬看鵬翮起南溟

送吳貢士還建

異鄉邂逅又分歧把酒相看感別離秋水芙蓉王粲賦  
長亭煙樹杜陵詩成均卒業誰連璧仕版登名子白晷  
遙憶到家秋未老桂花應折最高枝

送薛全之守淮安分韻得青字

五馬駢駢簇短亭陽關三唱醉中聽孤帆帶雨投秋浦  
落鴈依人宿晚汀千里封疆須保障一時民瘼起參苓  
政成他日看遺愛春駐甘棠滿郭青

過太平府有感

滿汀芳草夕陽斜長恨春時不在家昨夜月明詩夢醒  
子規啼盡杜鵑花

其二

笑渠終日利名忙誰似僧閒不出房睡熟白雲都不管  
寺前松竹自蒼蒼

李堅

字貞夫長汀人有訥菴遺稿

九鷺圖為梁尚德題

柳陰正長夏蓮渚搖紅翻羣鷺米箇箇襦褌集其間飛

鳴間宿食暫爾恣所安會當乘天風直上青雲端君子  
有九思聖訓炳如丹咄此畫工意比德良可觀

擬李白古風

遂古何洪荒庖犧闢乾坤卦畫始文字器象森昭陳猗  
歟逮姬孔經制完以淳一朝惟陽九亡秦恣兇囂百王  
經世彛塗地為埃坳卑卑漢君相不學奚足論賤儒取  
希世綿蕞專襲秦遂令末代下盲識上古純杞人抱時  
憂薄言為誰申

其二

吾聞聖謨訓君道止于仁大禹問辜泣測然天地春秦  
隋何猘猱虫豸饒齊民偶語亦何辜一瓜殺三人天道  
豈蒙翳巨禍不旋身繼冢魚肉沸亥廣速夷淪嗟嗟殷  
鑒在千古隋與秦

其三

崔嵬千仞岡上有孤生桐凡禽不敢過威鳳日相從高  
標本虚心至和含其中采之獻清廟雅奏諧黃鐘時無

子期侶空山飽霜風自分溝中斷行為爨下充幸逢蔡  
中郎得登君子宫願言承左右備君燕閒供養君中和  
性庶以効微躬

其四

志士懷當世衆人謀一身志士懼來日衆人惜今晨詎  
知當世安未為一身貧蓋棺苟遺臭生前奚足珍所以  
首陽薇萬古扶彛倫不見上蔡吠瞥眼成煙塵

其五

少陵真人豪稷契心自許周遭瀕洞間百折水東注短  
褐纔掩脛破廬不蔽雨猶軫當時憂不暇一身訴心期  
萬廣廈大庇寒士聚地下千載人誰為唐宰輔肉食不  
懷謀藿食乃心苦

其六

驅車上長安經從古周京矯首周京道不傷我情旁  
歧紛百出過者迷縱橫古道委叢棘狐兔相經營問之  
父老言此理非難明歧路便捷足正途多迂程哀哉百

歲後誰人問周行

其七

習巧每多拙大黠還成痴君看濁世中汨沒疇能知  
簞金計來屑恨不丘山巍有生不朽圖及時忽競持  
形聲一朝謝草莽甘淪夷

雲崖

峩峩雲陽山奠立自皇古  
雲出其巔秀色若可茹  
天然一丹素面人作屏  
宁卜居者誰氏遠紹太原緒  
會心



不在遙樂山得深趣雲崖自揭顏旦夕締賓主以茲眎  
常絃比德固有取惟山必出雲惟雲能作雨龍興斯雲  
從神功膏下土方今九重上真龍正臨御雲子已出岫  
為霖固其所湖南多顛厓望霓久辛苦

送程汝南守三衢分得露字

城烏啼嚴霜江天正微曙眷我同心友五馬駕行路冠  
蓋出城西分攜惜勿遽殷勤一尊酒不作遊子姁朝家  
重牧守漸在邦本固子行寵專城何以答宸慮三衢兵

寇餘瘡痍已沈痼情如失母慈呱呱渴乳哺又如久旱  
苗旦夕望膏露丈夫分許國經濟乃平素況我知子心  
不在溫飽故行矣宜勉旃三事是濩矩

積雪初霽陳虛白過我夜談賦以紀事

閉門七日雪高卧師袁安忽聞剝啄聲良友扣我關整  
衣出迎客下馬先解鞍連朝隔言笑相見各破顏中堂  
共勞苦撥爐火始殷雪光與月色縞素侵簷端天風肆  
老饕嚴威凜相干呼童熱酒漿解此重圍寒百觴未足

多引滿催放乾詩豪與酒聖逸興高如山白戰將夜分  
餘勇猶未闌僕子不解事催歸語瀾翻人生類飄萍百  
年良會難分攜莫匆匆小立且盤桓記取今宵別馬前  
月團團

竹屋

欽米尊  
人之號

幽居謝塵市有竹千萬竿四壁不受塵拂座清風寒主  
人北窗下琴書愜盤桓出門即成趣滿目青琅玕憶初  
卜築時頗虞生植難既嚴牛羊牧復剪荆棘繁封培至

今日有此竹屋安雖慚萬間底自作千畝看崇篁丈人  
行老節高屹嶺孫枝更秀拔天矯凌雲端遂令竹屋名  
旁溢四遠寬南陽有卧龍草廬聳丘巒成都有少陵草  
堂名不刊地勝每因人茲語良非謾寄聲竹屋翁勉陟  
前修坵

重過陶園限韻

行窩謝塵鞅習靜聊永日寄適鉛墨間堆案紛簡帙倦  
餘發深省長嘯捫雙膝念我陶園友投分如膠漆咫尺

會面艱連朝未能一昨來命駕往追隨竹溪逸我懷拍  
塞憂見君喜欲溢君聞剝啄聲倒履如有失攜我歷三  
徑坐我忘憂室飛觴但白戰擊壺共為率森森約束嚴  
勢比軍令疾我才謝鋒穎君心特璽密揮毫雲滿紙雲  
陣排甲乙若春冰泮瀉溜鳴滴滴詩壇合推君燕許  
信大筆巧匠不血指此語真故實自慙拙工勞敢與君  
鬪律酸甘齋味分我枳君猶枯詩成各引滿林梢月將  
出君勇堪賈餘我嬾欲尋佚歸來擁被眠日晏忘盥櫛

技癢忍還作渴吻鳴唧唧解醒索冰壺案有七十士且  
咀且吟哦短歌聊自述

齊年黃伯固庫部郎中起復北上

我有朱絲絃慣彈太古音俚耳難為調感子獨知心臨  
風鼓一曲送子建溪潯溪流不可極別意與俱深

別建陽尹邵宗周

建溪十日程竭來亦周遭縣侯能好客病夫敢言勞平  
生湖海情所在多同袍離居二三載悄然空谷逃今晨

值邵子一見如飲醪  
舌來道義合傾蓋  
輸心交  
伶君知  
已情義氣青雲高  
眷言雉壇盟各保  
歲寒操

楊孔直司訓南樓卷

南樓在何許乃在附郭東  
青山四面合嘉樹起芻龍  
與氣日夕浮野色窺簾櫳  
主人關西裔方裘紹青風  
憑高時送目情思遙冲冲  
竭來伐木音丁丁鳴谷中  
幽人不可見欲往道靡從  
譜作高山調寫之託絲桐  
翛然意忘歸前途下高春

雜詩

結髮初事君相期在白頭天荒地云老兩情誓靡休詎  
期洵幾何君身為遠遊遠遊歸何時一去三十秋思君  
不可見空把離索憂

其二

飛鳥返故林游魚思舊淵物性固有爾人情胡不然昔  
與君別時庭樹初抽簍一別年華多森森踰前簷樹生  
已如此妾心將何堪



漫興

離離原上花灼灼開新枝采之簪滿頭誠可媚芳姿紛  
紛誰家子競取爭妍奇我欲往傲之濡露恐沾衣衣沾  
固足惜妍奇將安為

其二

妾有朱絲絃少小解拈弄所惜知音難深藏不輕用持  
以事夫君和鳴奏鸞鳳君心不余諒顧謂作哇哄箏瑟  
古難投良用自慙恐

其三

盈盈道傍花采采足人悅  
芬芬曲徑蘭寂寂無人擷  
品質豈不殊托根有懸絕  
安得尋幽人曲隈當見掇

坦庵

古調久沈響斷絃誰剪膠  
有竅非混沌有機惟桔槔  
夫君獨醒士不肯鋪世糟  
一言取諸易坦坦祛塵勞  
嚴茲父師訓心兵敢芒豪  
眷言篤由衷永此歲寒操  
行坦任失得心靜恣誼囂  
通都有康莊行者歌陶陶  
羊腸信詰

屈剗削亦見遭物理可喻大吾言君勿嘲

題孔明出師表圖

永安宮中日欲落榻前面拜遺孤託先皇飲恨臣所知  
忍見翠華終劍閣臣身與賊不俱生誓提義旅清中京  
汎除九廟光舊物上謝先帝酬忠貞六師戒日臨河渭  
曉發披忱表天陛諄諄恢復次第陳縷縷忠肝兼義氣  
事關官府在相通親賢遠佞先漢隆後王不鑒高祖訓  
累我漢業遭塵蒙漢家賊姓難兩立王業偏安大無策

鞠躬盡瘁臣所安利鈍成虧非可臆炎精無光亦灰冷  
五丈原頭將星殞牙前長史整旋軍巾幘老奴拜天幸  
煌煌二表明丹青文追伊傅光六經留傳人世勸忠蓋  
呵護時有神威靈英雄無命古如此大節堂堂映青史  
君不見二十四疏請回鑾東京留守銜悲死

宋賢三絕卷

文與可墨竹東坡山谷題跋

洋州太守生通神胸中千畝吞渭濱興來拂拭鸞溪絹  
落筆滿眼生煙雲坡公墨竹半天下獨許洋州擅高價

涪翁一見心眼醒題名聊復紀吾曾天生三子人中傑  
筆精墨迹成三絕斷縑隻字落人間見者驚猶捧明月  
葉君葉君聽我陳物情好醜元因人古來名筆豈三子  
丈人屋烏類如此請君收拾歸紫囊慎勿懸掛當中堂  
恐驚風雨中夜生帝遣仙官來取迎

黃華山房為楊孔直題

黃華之山起城市山人卜築偃山址幽栖豈愛麋鹿羣  
萬卷藏修遺孫子風回澗道松泠泠濯纓亭畔竹琮琤

午涼吹醒芸窗夢塵心一洗秋空清地雄景勝天開設  
長價騰聲屬髦傑萬里橋西一草堂千古人猶誇筆舌  
山房主人元功孫構堂仰止多殷勤請看廟貌南山處  
文公文敏伊何人

送人還長沙

湘水洑洑幾千里慈帏五夜怜遊子楚天南望白雲低  
歸心萬點隨流水買舟明發潞河程三月東風春草榮  
停橈旅泊堪乘興酒債詩情著處生行舟幾遍看圓月

漸覺江南遠江北潑眼榴花岸欲然計程應是家山側  
高堂曉占烏鵲喜勿訝佳兒拜庭祀

題畫馬

九原難喚孫陽起天閒龍種沈洼水是誰傳此千里神  
逸態英姿酷似世情貴耳多賤目葉公龍癖紛相屬  
眼前駿骨疇能知幅縑尺素爭誇毗還君此畫三嘆息  
物情好惡元無的

融軒

一室雖云小中藏天下春眼前皆物共榻外亦吾隣麗  
日風生煖溫泉脉自淳笑渠失弓者得計楚邦人

代送奉化訓導

官河堅欲凍君此問征鞍閩浙家相近師生義自寬詎  
湏愁座冷贏得是身安桃李陰陰日春風回講壇

郊祀齋居和鍾邦臣韻

翼翼郊壇肅煌煌寶炬然九重親大祀一德格皇天禮  
樂周官盛威儀法駕圓小臣真慶忭舞蹈際年年



送南昌黃金任岑溪典史

一尉岑溪去都城二月初輕帆渡揚子便道謁先廬嶺  
嶠瘡痍甚公私困竭餘知君挾奇術贊畫定勤渠

上巳遣懷

佳節重三候羈栖尚客邊春光俄又老物色倍堪憐曲  
水傳周興蘭亭想晉賢留都今日會分席悵無緣

和邢三湖龍山別趣

不識雲外趣郊扉誰可俱鍾山屏突兀玄武帶縈紆榻

許高躋借門迴俗子趨晚衙人吏散萬卷付鉛朱

夜坐懷歸用邢三湖過章水韻

夜獨攤書坐鄉心迸欲歸鄰簫亂無思窗月巧呈輝咫尺闔山隔蒼茫雁宇稀平生白華卷情事笑多違

陽明王先生命來教禮鄉社竣事過余小詩贈

別

督府匡時切煩君此日行絃歌教小邑綿蕝肄諸生俗化行看變人才倘可成新詩代瓊贈鄉國為關情

席上和王公守備九日韻

即看今歲又重陽對景令人憶故鄉  
潦倒且拚元亮醉風流不學孟嘉狂  
滿城風雨催詩債三徑清香待菊黃  
行樂及時聊爾爾人間萬事付茫茫

代送陳德純歸家

去去君行不可扳強將樽酒酌江干  
情知離合人生有自是交朋話別難  
此際鄞江聊割席他年京國共彈冠  
雉壇舊有盟心約別後相期保歲寒

挽胡尚禮和鍾考功韻

三尺前旌粉字書  
交朋誰不淚如珠  
可嗟野外一抔土  
無復人間千里駒  
壯志不銷成永恨  
殘編無地付遺孤  
瀟瀟寒雨青燈夜  
啼殺庭前繞樹烏

書齋謾興

靜掩重門晝不開  
閒齋便是小蓬萊  
有時佳客相經過  
不許俗人輕到來  
一卷義經銷日永  
數聯詩句咏悠哉  
此情獨有知心會  
寄謝傍人莫浪猜

子陵釣臺

擬迹巢由與世違  
徵書底事到茅茨  
中興已自英雄足  
用世原非雅尚期  
祇為故人聊暫出  
那思好爵作生涯  
炎劉四百年基祚  
盡屬灘頭一釣絲

春興

春晝遲遲午思清  
南窗睡起坐簷楹  
好懷百種與千種  
幽鳥三聲復兩聲  
不向江頭觀卧柳  
懶于枝上聽啼鶯  
門前一任春來去  
花落花開總不驚

途中感秋

一夜金風報早秋  
疎櫺點點氣蕭颼  
俄驚江上煙波冷  
便覺郊原草木愁  
萬里歸途猶作客  
半生踪跡等虛舟  
不堪腸斷思鄉處  
滿地蘆花明月洲

維揚懷古

淮海維揚名尚在  
繁華不見舊時州  
煙迷吳苑巡遊地  
雲鎖隋家歌舞樓  
千古廢興增感慨  
百年身世且優游  
君看數畝雷塘路  
閱盡行人春復秋

夏日書懷

趨朝日日五更初，退食歸來箇事無。  
清世不妨同吏隱，此身還似舊山癯。  
了知習靜真成癖，時復長吟且自娛。  
午枕黑甜思一憩，生憎梁燕語驚呼。

沈天祥宅賞蓮有並頭品字二種

此花合是真仙謫，墮在君家盆盎中。  
並軀頰肩笑含露，相翻翠袖舞迴風。  
雙頭綰就同心結，千瓣粧成一捻紅。  
羞殺趙家親姊妹，兩心偏妒不相通。

其二

紅粧水面正抽簪  
品字分明不用探  
芍藥連枝終欠一  
牡丹並蒂不成三  
薛家羣從生同姓  
楊氏諸夷出共驂  
憐絕此花齊氣味  
寒香晚節各心甘

至日書懷

節屆書雲默自吁  
年華去我似奔駒  
滿前風景多新樣  
向後兒童成老夫  
萬里鄉書經歲少  
一官匏繫許身愚  
晴牕擲管聊裁句  
兀坐檐楹對碧虛



除夕奉和少宰柴墟先生韻

不用桃符寫戶廳  
堯文厯紀忽周星  
中庭殘雪初消白  
明日羣芳漸放青  
爆竹滿衢傳燭燂  
歌鐘何處送東丁  
太平景象留都好  
喚起年來醉夢醒

遊靈谷寺

上方金碧出巔岩  
滿院嵐煙滴檜杉  
縱步恍疑騰汗漫  
回頭已自隔塵凡  
靈泉有竅通仙脉  
佛塔何年閟石函  
風景閱來殊未徧  
馬頭山色日將銜

病起對雪和東坡韻

恠甚寒空噪暮鴉  
關河千里斷行車  
諸天有相皆成幻  
古木無根也著花  
錦帳酣懷歸甲第  
剡溪清興在詩家  
分明雞鶩朝來跡  
疊疊堦前作篆文

其二

落處無論巨與纖  
平鋪格樣類粧嚴  
廟廊調燮憑占歲  
兒女商量謾到鹽  
誰向歌鐘誇白戰  
我憐短褐有窮簷  
江南一種天成趣  
墻角踈梅正闕尖

答和陳虛宿韻

一飯從知荷主恩，山林何敢遂忘君。  
無端世事易翻覆，頃刻人情肖雨雲。  
廊廟諸公期共濟，煙霞老我許平分。  
傍花隨柳尋常事，免得虛名惹世氛。

元旦雨

曙鼓微茫動海城，街頭泥淖正縱橫。  
昨宵舊雨送殘臘，今日三朝慳一晴。  
漸老風光真覺別，殊方懷抱若為情。  
翻思二十年前事，曾托屠蘇逞後生。

己卯元夕

九十春容色色妍上元樂事更無邊  
兼旬風雨朝來爽  
入夜光華分外圓  
運屬昌期端有象  
老逢佳景倍堪憐  
半酣擲管裁新句  
天與林泉自在年

送縣大尹令子毛景潤西歸

鄞山鄞水亦佳遊  
何事君歸不少留  
無限別情銷不盡  
寒風馬首正颼颼

悼亡

篋有遺衣皆觸恨  
牕殘曉鏡亦成悲  
傷心最是無窮處  
記得挑燈伴讀時

人日對雪

梅花鬪雪雨清妍  
記得江南歲暮天  
春到北枝猶未放  
晨牕對雪亦欣然

送黃門許充衷使安南

天朝侍從入閩英  
定有先聲徹遠城  
海嶠于今皆樂土  
使車休問幾多程

宮怨

逐隊彤庭數載間，何曾兩度侍宸班。  
畧勝遠嫁胡沙去，纔得君王一動顏。

其二

花錢費盡盡雙蛾，望斷金輿不見過。  
驚聽調鶯宮樹上，一年春事已無多。

其三

暑簟宵騰午漏長，分明夢裏見君王。  
起來戲折宜男草，

燕語雙雙傍畫梁

其四

錦樹秋聲入枕帟  
天邊牛女又佳期  
羅衫雖薄難拋却  
記得君恩賜著時

咏白蓮七首

并引

貴州司署白蓮盛開  
鄭長官克明集諸同寅賞然  
予因誦天隨生絕句屬楊官長恒叔和之於是諸  
同寅相繼有作予念好句業已多為諸君道復何

著筆因取近世瞿宗吉紅蓮不似白蓮香之句析  
為七絕而天隨生原韻亦漫學數語綴於其尾云  
姑射仙人冰雪容淡香清影立薰風似嫌塵世穠華浣  
淨洗從前水面紅

水面無花白似蓮玉盤擎處露娟娟箇般清韻孤標格  
肯學漫山桃李妍

仙葩簇玉凌波出白羽搖風翻跼跼主人好事集賓僚  
明朝有意還來不



午夜嫦娥照清泚玉簪墮在方塘裏侵晨幻作滿池芳  
一色璚瑤酷相似

一泓菡萏亭亭立舊日紅粧今變白化工特地巧為容  
莫道丹青描不得

舉世何人識愛蓮白蓮風味更堪憐千年高士陶彭澤  
曾向廬山結社緣

分明仙種隔尋常時逐薰風送粉香芸館槐亭清絕處  
大勝艷冶與濃粧

和天隨生韻二首

年年花信不相欺  
五月紅蕖浴錦池  
忽訝碧簪紛在眼  
奇觀不數舊年時

前身玉女恐非欺  
謫向人間墮鏡池  
粉瓣飄香歆欲墮  
依稀按節羽衣時

題畫

奚童背錦出郊坰  
乘興閒來訪友生  
秋意滿天楓葉暗  
隔林遙聽讀書聲

送唐太守令子元殊還桂林

桂林西望隔長沙，獨秀峯前是子家。  
老我舊遊情眷眷，每思巖洞曉栖霞。

應聘

三年歸卧故鄉雲，每被春風誘出門。  
行到會稽探禹穴，坐看東海浴朝暉。

元旦戲筆

老子新年喜氣沖，謾招毫管試春風。  
此生歲月還多在，

酒聖詩豪未便窮

己卯六月二十七日早晚上夢中賦詩四句謾  
記之

旅館殘燈客思深  
笛聲何處動鄉心  
明朝又買東吳棹  
風景歸來詫上林

羅榮

字志仁古田  
人有藤山集

贈靜軒

自得江山性從渠  
白髮長空虛凝月  
色波定見天光杖

屢逢人少茅茨與世忘牀頭書卷在簡點到歸藏

劉世寬之浙東

煙樹雲盤綠官程馬足分陽山偏向日越水易生雲遠  
海鹽征竭清時國計殷馳情多別後對月每思君

馮有孚使九江便道寧親

三載結塵纓看雲白髮生春風仙棹遠晝日錦衣明飛  
鶴迎親壽慈烏致子情承歡須秉燭候吏立湓城

陳世則判陳州馬政

秣馬退朝時東城出餞遲分襟鄉語細看劍祖杯遲外  
殷增雲錦窮才罷繭絲委蛇堂食後花鳥亂催詩

中秋次臨清和韻答周憲副

久濶頭將白相逢眼倍青蘋風清夕舫桂月滿秋汀好  
句輸先得深盃不放停江湖憐此會鄉舊正晨星

送葉太守回任

五馬春城外東風草色新冠君還借郡召父舊親民阜  
蓋雲霄過青山解宇隣不須傷遠別江漢有通津

題山水

碧嶂秀重重  
岩荒逼華嵩  
雨淙孤壑應  
雲壁小蹊通  
呼酒三村社  
藏書一畝宮  
山深人不見  
花鳥領春風

仲秋十六夜發榆之南

日暮官途馬足輕  
蕭蕭涼籟逼人清  
蒹葭水郭鳬鷺夢  
籬落田家蟋蟀聲  
小堡銅刀持夜警  
遠氓皮索事宵征  
月華光滿渾如昨  
萬里江山仰大明

督儲至白羊口信宿遊西山諸寺

白羊城堡枕關腰上谷春風凍未消薄澹五更侵土炕  
殘澌二月下山橋老僧肅客焚香迓稚子烹茶掃葉燒  
大覺以南皆賜寺宦遊應喜避塵囂

再過武夷

再訪神居結地幽武夷真境擬蓬丘閒開竹徑風生籟  
深閉松關月在洲函蛻藏香封玉匣插厓橫木訝仙舟  
紫陽倚棹歌聲遠九曲名稱遍十洲

甲戌中秋次懷化驛



方輿知有五谿名何事監軍動遠征秋爽瘴雲歸洞黑  
夜涼蠻月逼人清桑榆溫清頻年夢瓜芋團圓此日情  
望久玉堦時徙榻銀河流白倚參橫

都城安定門外太清道院

郊原十里太清祠松柏宮牆古甚奇明水未消千日酒  
卿雲猶護萬年枝鳳凰簫竹隨仙子龍虎丹砂覓鍊師  
聞道英皇曾駐蹕羽林圍獵夜歸遲

出居庸

戴星策馬下居庸  
烽燧煙消遠道通  
地接浮雲天咫尺  
山懸斷壁水西東  
青霓明滅輪蹄下  
黃屋參差指顧中  
壯趾江南還塞北  
男兒已慰射桑蓬

乙丑中秋夕過龍川曾祖所尹邑

龍川孤月正秋中  
碧滙清光上下同  
玉鏡無聲沈夜籟  
銀河如練遶晴空  
明時慚負分藩任  
先世猶存製錦功  
樽酒微醺慈養樂  
盡船簫鼓溯江風

送陳諫簿遂溪

九陌名花照錦衣  
遂溪人已望旌旗  
鄉山到眼聲音侶  
海國清時簿領稀  
日照官衙山荔熟  
潮通縣郭蟹螯肥  
休嗟枳棘棲鸞鳳  
千里行看一奮飛

楓亭道中懷舊寮元佐

黃華山下故人廬  
飛翠龍葱護隱居  
驛路折梅春雪後  
亭窗剪韭夜燈初  
寒暄故事樽前話  
夢寐新詩壁上書  
明日過江人漸遠  
浮萍蹤跡定何如

送族人文秀歸安福

重攜琴劍出松蘿  
客裏風塵兩歲過  
水木有懷源本共  
聲音無異笑言多  
停雲立馬瞻閩嶠  
載月移舟向潞河  
別恨客中情轉惡  
不禁揮袂聽離歌

寄方壽卿

帝城平日坐春風  
滿室芝蘭嗅味同  
多病遠聞移帶孔  
索居還憶走詩筒  
隴頭望斷梅花老  
海上歸初荔子紅  
萬里相思何處所  
舉頭明月共秋空

送丁孔志陰陽

十載親朋謦欬疎金臺相見喜何如西堂邀月方聯榻  
南國停雲又買車長鈇春深隨雪棹短檠宵靜閱星書  
他時願結香山社尊酒同尋水竹居

送鄭希大使湖南

槐葉辭柯菊破香宮河移棹下瀟湘琴樽白日思千里  
弧矢青年遍四方赤壁醉歌蘇子賦碧雲望指鄭公鄉  
天涯百感因君去秋夢無端與夜長

和韻送王德華之河南

湖海風塵未息居清波彩鷁啓行旻都城夜月移賓榻  
汴水春風命使車治化正需周召伯才華真慕藺相如  
旬宣到處持鉛槧誰道窮愁始著書

丁卯除夕與林衡玉守歲

湖海萍蹤莫漫猜嶺南旌旆柳州來鄉山隔夢三千里  
客舍逢春十九迴往數光陰驚漸老坐談帷幄愧非才  
椒觴茗碗延殘夜懷抱因君更好開

元夕次上洲營和僉憲蔡懋成韻兼呈都督馬

惟淵

客路年光冉冉過憂心相對鬢將皤折衝力薄原非將  
競險詩成或有魔五管風煙驚稅駕一時冠蓋擁行窩  
元宵莫問崑崙事進酒張燈且放歌



石倉歷代詩選卷四百六十二

欽定四庫全書

集部  
石倉歷代詩選卷四百六十三  
四

詳校官右中允臣薩敏

侍讀臣孫球覆勘

總校官進士臣朱

鈴

校對官編修臣盧

燧

謄錄監生臣劉

禮



欽定四庫全書

石倉歷代詩選卷四百六十三

明 曹學佺 編

明詩次集九十七

林廷柅

題桐鄉令張文儀甘棠卷

我昔守東吳君時宰桐鄉清風逼鄰壤製錦誇循良三  
載如一日百里弘春陽徵書飛彩鳳引鶴辭琴堂赤子

失怙恃攀轅淚淋浪我侯不可留所思在甘棠見棠如  
見侯庸敢翦且傷棠分有時盡耿耿民不忘

新婚別和韻

二八誰家女顏色嬌如花蛾眉掃春山遠適良人家女  
蘿附長松永結中心好曾聞父母言夫妻願偕老平明  
下君床忽聞理行裝欲問郎何之未語心先傷不恨郎  
情薄只恨賤妾身妾身非男子苦樂由他人在家學養  
蠶織成一匹帛為郎製春衫不知寬與窄郎貌認未真

郎心那可測去去莫念儂功名須努力

題清虛亭次丁民部韻

攬衣步高臺新亭訝仙境萬山圖畫開一鳥雲霄迥烏  
石幾千年乾坤留此景鶴巢下松露屐印苔痕冷天王  
許乞祠我當奉朝請一日一登臨醉卧花間影

和貞菴司寇遊靈谷贈月泉僧

靈谷我曾遊雲林樂未竟忽誦貞菴篇三復起遐敬暮  
春天氣和舞雩發清詠等閒風雨來筆底珠璣迸棠陰

散秋臺于公昭五聽覆盆仰餘光  
孤月懸飛鏡老我江湖翁  
夙抱煙霞病落落羈旅臣  
何時謝機穽歸釣龍臺  
津肯容山水剩茫茫宦海中  
風帆渺無定慙愧月泉僧  
禪牀心自淨

棟塘歌為池州推府李伯義乃翁作

棟塘老人好奇者生平足跡半天下  
五湖煙月載扁舟  
十尺珊瑚光照夜歸來卜築棟塘橋  
四時風景何逍遙  
橋邊誰種雙棟樹翠雲高蓋張青霄  
勝日棋敲花外局

朗吟醉倚瀟湘玉  
玉人何處抱琴來  
好似輞川圖一幅  
承家有子登巍科  
黃堂治獄清風多  
指日推恩荷天寵  
龍光下燭山之阿  
我亦東西南北人  
何年倚棹鏡湖濱  
浩歌一曲棟塘上  
棟花塘水春無垠

春宵紀夢

昨宵夢入蓬萊宮  
天桃十里含猩紅  
珠簾半捲千山曉  
馬蹄玉勒聲玲瓏  
霓裳仙子下階拜  
天風馥馥吹羅帶  
笑問仙郎何處來  
秋波兩點凝銀黛  
拂塵坐我以錦綢

開樽醉我以玉醴酒酣起舞百花前金釵影落銀燈裏  
勸郎滿酌聽我歌人生浮世能幾何昨日紅顏少年客  
明朝一鏡風霜皤仙郎豈是尋常父學貫天人邁今古  
姓名一入黃金閨四海蒼生望霖雨憂國憂民繫此心  
寧暇清歌與妙舞我聞斯言興益狂狂來欲飲三百金  
譙樓誰遣吹殘角星斗闌珊曉雲薄覺來好夢苦難尋  
開窗惟見松梢鶴

春暮宮詞

鳳閣龍樓春信早萬年枝上鶯聲老楊柳池塘欸欸風  
玉顏肯為閒花惱前殿歌鐘後殿聞美人何處承恩好  
洞簫吹向月明中夢回猶憶蓬萊島美人結歡須及時  
莫待鏡中玄髮縞但願前星煥紫霄不妨冷落長門道

題亡友鄭萬里大尹鳳溪卷

不見鳳溪人忍讀鳳溪卷鳳去何時還溪流淨如練憶  
昔丹山見羽儀九苞文采光陸離虞廷不叶簫韶奏空  
使行人歌德衰晚向琴堂伴孤鶴仰首長鳴驚碧落枳

棘終非老鳳棲萬里天風振寥廓歸卧師山澤羽毛風  
流一代誇人豪塵世茫茫已今古撫卷淚落燈前雨

哭南京吏部郎中華汝和

前年君送我細雨江城秋此日我哭君西風雙淚流離  
亭一杯酒翻作生死愁忍讀贈我詩墨花雲錦浮忍看  
遺我劍寒光貫斗牛世事不可問歲月空悠悠君有才  
用弗究君有德胡不壽棲遲郎署二十年題墓猶從大  
夫後幾尺豐碑太史銘辛苦平生應不朽



阻雨東昌次同舟陳助教韻

煙雨迷行色江村繫小舟  
鄉心愁入夜客鬢易驚秋  
聲斷風前鴈機忘水上鷗  
親庭在何處遙望白雲樓

祈雪次韻

雪瑞符三白歡聲動八荒  
和章慚狗尾竊祿筵鱗行  
海鶴頭俱白山翁髮愈蒼  
謫仙歌郢調咫尺更相望

張秋阻風雨用前韻

水國蒲帆夜有風  
隔鄰漁唱一燈紅  
雲霓已副為霖望

江漢誰多濟險功  
旅夢驚回憎漏永  
吟髭撚斷覺詩窮  
高堂不盡懷兒意  
定倚南樓看北鴻

和趙克用豸史煎茶韻

誰採東蒙一掬春  
品題都付玉堂人  
龍團勅賜恩偏重  
鶴頂傳方迹未陳  
石鼎烹來初薦客  
金甌啜罷解通神  
武夷回首鄉山遠  
風味空於夢裏親

次韻送汪愛之歸新安

一棹煙波任所之  
鳳臺秋晚盍簪時  
月籠野寺雞聲亂

風度寒汀鴈影遲  
夢落關山聞玉笛  
醉吞湖海倒金卮  
明時莫負弓裘業  
青瑣勲名海內知

經濟川太白樓

突兀高城見此樓  
乾坤千古水東流  
長鯨一去青山老  
黃鶴空餘碧樹秋  
醉眼不觀塵世事  
頰肩誰任廟堂憂  
放歌樓下君休笑  
祇恐前身是若儔

封豕史龍塘蕭公輓詩

半生辛苦獨興家  
蔗境優游樂事賒  
錦軸琅函新紫誥

牙袍華髮老烏紗  
草堂春靜空啼鳥  
松逕秋深自落花  
愁絕龍塘釣遊處  
野鷗無語立平沙

贈撫州致政謝揮使

老來虎帳謝兵機  
世態都忘是與非  
山水有情留別墅  
干戈無夢到征衣  
五湖煙月鷗初狎  
一逕雲松鶴自歸  
笑把龍韜三四卷  
膝前交付謝玄暉

送職方羅道原乞疾省母歸嶺南次同寅聯句

韻

嶺雲芳草鴈書頻，  
把封章扣紫宸。  
萬里歸心懸白髮，  
一囊行色伴青春。  
情深烏鳥元非病，  
賦入尊鱸自有神。  
對酒莫辭今日醉，  
出門回首即參辰。

姑蘓謝揮使文表早棄儒官襲職自號投筆居士  
晚休林下更號投戈席間索予詠之

少年投筆晚投戈，  
文武全材世豈多。  
虎帳月明無警柝，  
鱣堂風靜有絃歌。  
一庭春草心長醉，  
三尺龍泉手自磨。  
此日歸來教孫子，  
半懸金印半登科。

五月三十夜宿宣風館次王伯安壁間韻

雨過苔紋繡綠痕  
水清沙白鳥聲渾  
雲封石洞僧歸舍  
月落柴門犬吠村  
兩鬢風霜驚白髮  
一襟愁緒怯黃昏  
香銷燭盡方成寐  
又恐家山役夢魂

閏五月五日過湘江觀競渡有作

江雲倚棹渡三湘  
水陸兼程盡日忙  
茅屋亂煙經雨濕  
竹林清露帶風香  
屈原舟上江花白  
賈誼祠前樹色蒼  
弔古懷鄉倍惆悵  
一年孤負兩端陽

立秋道中

計程三月鎮淹留  
兩月青山一月舟  
綠水橋邊芳草徑  
碧波江上白雲樓  
西風鴈影寒塘暮  
落日蟬聲遠樹秋  
惟底青綾不成寐  
酒兵無力破深愁

安寧夜坐候周少叅盛僉憲二公

風簾露坐更初轉  
落盡燈花惱客情  
老樹烏啼山色暮  
長空雲散月華清  
雞聲叱屋秋臨水  
鴈影衝寒夜度城  
欲典客衣沽市酒  
對床無寐話心盟

臘日會黃姚安姊丈于楚雄萬里天涯悲喜交  
集詩以述懷

相思有夢隔千里相見無言對月明往事年來那可問  
異鄉身在亦堪驚彩雲樓外簫聲遠白髮堂前舞袖輕  
欲向青樽話心曲海天東望不勝情

陳公希白嘗任吾閩憲長方伯擢都憲巡撫中  
州舊寅諸公徵詩寄之

一自中丞別海鄉八閩無地不甘棠紫薇簾外三春雨



翠柏臺端六月霜  
池湧墨花留點畫  
碑深苔蘚護文章  
何時入佐明天子  
筆洒商霖沛八荒

全璧榮歸送憲副張公元器致政還湖州

宦路翱翔四十年  
連城聲價故依然  
黃堂雨露春千里  
柏府冰霜月一天  
綠野松篁開別墅  
青山琴鶴擁歸船  
休論負郭連阡陌  
看取君家種玉田

和南澗中丞九日韻

萬里秋空太廓寥  
野雲汀草逕蕭蕭  
酒逢佳節還增量

詩媿凡才每折腰黃菊滯人花未放青山伴我興偏饒  
煙波身世君棲穩回首風帆浪裏瓢

其二

節過重陽菊未葩市橋猶喜酒堪賒乾坤秋老山如瘦  
江漢風高帽欲斜筆陣當年留諫草棋聲半夜落燈花  
白雲一榻容酣睡遮莫青蠅亂集爪

十月十七夜同黃明南僉憲飲陳敦賢少參舟

中聯句

燈影船窗夜漏長故人相見倒衣裳江湖有約尊前雨  
歲月無情鏡裏霜玉樹向誰依晚景黃花何處采秋芳  
關河一隔三千里歸夢何時問建章

次聯句韻

楓林霜葉釀新晴江路風煙一棹輕候鴈拂雲知冷暖  
野禽浮水恣縱橫十年舊雨燈前話萬里飛雲海上情  
何處玉簫聲斷續客窗歌枕到天明

風雪中自德興暮抵樂平

五更風雪擁征袍盡日驅馳不憚勞壯志未能紓國計  
衰顏聊復藉村醪千山日落烏啼樹萬里天空鶴在皋  
一紙書來情萬縷江東回首念兒曹

輓許啓衷都諫

孤忠憤激竟亡身象齒誰云祗自焚青瑣有名留諫草  
玉樓何處續新文魂依鶴髮三更夢愁結烏山幾洞雲  
最是倚欄殘月裏數聲鄰笛不堪聞

送胡笏史士寧還朝

吳門風景憶同遊，製錦才華第一流。  
玉斧光搖銀漢月，繡衣風動柏臺秋。  
春前折柳還青眼，雪裏看山漸白頭。  
一幅阜囊無長物，只將民隱達宸旒。

和都運使時準秋韻

何處砧聲夜未休，客懷寥落又逢秋。  
隔林楓葉紅如錦，入眼嵐光翠欲流。  
宦海風波遲後樂，帝京煙月記同遊。  
東籬有酒須拚醉，莫遣黃花笑白頭。

閏四月十二日度分水關

又攜書劍度閩關半百流光兩鬢斑  
庭訓片言猶在耳君恩五世重於山  
十年江漢垂綸久萬里風塵行路艱  
况值明良新際會未容杖屨便投閒

宿天池喜晴

遠寺疎鐘報曉晴上方樓閣日華明  
雲中圖畫浮嵐翠樹裏笙簧落澗聲  
好鳥有情如喚客野花無數不知名  
十年奔走紅塵面敢向天池漫濯纓

重過蘓州

一別黃堂十八年吳門重覩舊風煙遙看山色還如故  
細問民風不逮前青眼每逢鄉老盼白鬚贏得市童憐  
并州回首真成夢猶有何戡奏管絃

崇安道中望武夷仍用前韻

停車遙見武夷山洞府煙霞第一關紫禁星辰凝望眼  
青溪花鳥破愁顏茂林風葉長疑雨峭石春苔半染斑  
笑看野雲閒出岫從龍飛去又飛還

送環玉馬士貞之任潮郡幕狀元鐸之孫瓊州

貳守叔文之子

環玉樓前倚醉歌落紅春水柰愁何狀元玉署文名重  
別駕瓊州政蹟多野寺鶯聲迎客旆江亭柳色漾晴波  
嶺南故舊如相問老我煙霞兩髩皤

次大司寇同年周貞菴韻

周廬警柝夜森森精白歆承上帝心百辟衣冠金殿曉  
九霄風露玉壇深堦屯劍戟環三匝雲擁宮牆覆十尋  
幾度慶成叨錫燕醉歌天保續遺音



具香帛馳奠大方伯石厓謝年兄詩以哭之

當年同醉曲江濱  
海內心知更幾人  
丹陛風雲雙闕曉  
紫薇花雨一堂春  
潯陽悵別言猶在  
梅嶺傳書墨尚新  
何處笛聲吹夜月  
鳳臺翹首欲沾巾

華泉司徒喪妾浚川司馬以詩悼之和韻一首

紫簫聲斷夜深聞  
海濶風高落鴈羣  
金鳳空餘釵上影  
玉肌猶印枕邊紋  
芳魂寂寞悲團扇  
仙馭飄飄憶綈裙  
惆悵東坡殘月裏  
夢回何處覓朝雲

又和貞菴司寇韻為邊華泉悼妾

魚水深情樂未央百年遺恨合歡床  
錦衾賸有鮫綃淚寶鴨空餘燕寢香  
疑是芳魂歸碧落欲憑金闕扣西廂  
蓬瀛弱水三千里幽恨憑誰較短長

辛卯正月上辛日郊祀明堂齋居和柴京兆韻  
引領鑾輿下九天明王典禮信無前  
齋居兵署今三度旅食金陵又二年  
寶鴨香銷詩未就銅龍聲咽夜忘眠  
孤臣白髮還遭遇載誦明良喜起篇

克柔乃尊就養京師還靖江搢紳餞別有卷  
半生清隱鹿門秋京國觀光此勝遊鶴髮山中藏器久  
鳳毛天上拜恩優蘭陵松菊勞清夢潞水風煙載客舟  
早晚民曹奏嘉績五雲鸞紙下龍樓

四時江南曲

鳥鳴花樹繁春滿江南道不見花下人但見青青草  
綠陰夾江岸遠客舟到門吳姬勸客飲舞袖輕翩翩  
湖光入良夜泛月湖中遊笛聲起林薄蕭蕭湖水秋

江南冬如春一鴈凌風翦美人長相思倩爾傳書去

走筆寄友

停舟江上一逢君紫鳳青鸞覓不羣此日相思空有夢  
隔江春色暮山雲

題便面

獨坐江樓思渺然隔江風送釣魚船忘機羨爾真堪樂  
猶被絲綸一髮牽

題蕭何夜追韓信便面

午夜松風蕩九圍英雄何事任奔馳可憐雲夢傷心處  
應恨當年匹馬遲

輓致政吾閩僉憲海釣蕭先生

柏臺歸卧草堂秋人物清朝第一流文字于今傳海外  
不須遺稿倩人收

題市舶尚公冊葉

木落江空萬里秋小亭詩酒共夷猶玉人何處攜琴至  
目斷沙汀幾點鷗

庚寅仲春同司寇周貞菴司徒邊華泉少司徒  
顧新山巡撫陳荷峯登雨花臺次貞菴韻

金陵形勝自天開虎踞龍蟠地脉來滿眼風光吟不盡  
笛聲孤起鳳凰臺

東園雜興

海東東去有丹丘仙景依稀此地收日暖風和花爛漫  
不妨時向醉鄉游

祈雪次韻

樓閣凌雲映玉霞  
白雲堆裏有仙家  
天孫幻取銀河水  
灑作瓊林萬樹花

其二

夜榻常疑欲曙天  
梅花紙帳亦堪憐  
夢魂飛入瑤臺上  
誰送清歌落枕邊

林廷模

字利正 康熙從弟弘治  
十一年貢生 有秋江集

重陽憶利堅弟

去年黃花開共賞  
重陽節高堂傳萸觴  
兄弟同歡色今

年復重陽弟分竟何適光陰瞬息間世事幽明隔有酒  
不見君使我肝腸裂對酒歌且哀歌竟泪亦竭

鹿溪逸興為郟城尹洪啓明題

鹿溪溪頭結茅屋溪水過門清可掬黛濃玉削溪上山  
掩映溪花與溪竹住溪主人元不凡醒心却愛溪潄潄  
草坐每分溪畔石書聲時出溪雲間一從鵬翮同風舉  
天北天南幾寒暑清風明月故須吾墨綬銅章烏用汝  
何如臨溪濯纓塵沙鷗盟事堪重陳尊酒斜陽閒放棹



斷磯春水晴垂綸淺深况免波濤惡十年舊夢今方覺  
詩筒茶鼎老生涯藜杖芒屨醉行樂吁嗟此樂人少知  
名場利路分多歧柴桑千載卓哉見北山當日胡為移  
芙蓉水通松菊徑秋江景亦鹿溪勝便須拂袖歸去來  
與君重續山陰興

題敗荷鵲圖

寫生誰執黃荃筆貌出江南秋半幅菱荷零亂菰蒲寒  
涼颼吹動銀塘綠鵲鵲棲飛兩不寧似憶同羣隔存沒

眼底宜無鷗鷺儔不是知心肯相恤因之忽動連枝思  
臨題無語傷心曲

送方質甫歸蘭谿

無限留連意長亭盡一卮潮添梅雨歇暑薄柳風微行  
色緣詩壯離舟趁醉移并州故鄉景能不介心思

東溪為葉司訓玉題

夙愛朝宗水東溪結數椽閒垂嚴子釣晴放米家船花  
謝隨春漲鷗眠趁曉天宦途憶佳景幾度夢中還

晚秋平遠樓即景

半槿碧窗紗凭欄趣轉嘉鴈聲來別渚秋色入誰家雲  
去山容瘦風來雨脚斜老僧謝塵鞅坐對一籬花

渡江

楊子波濤濶知津已有年晴沙明鳥跡腥水帶蛟涎樹  
色藏孤島鐘聲破曉煙勞勞成底事又買渡江船

暮春

羈旅身長病蹉跎歲又殘頭顱應漸改夢寐若為安省

事慵開戶無言獨倚欄  
深盈聊復舉長缺未須彈

成山寺

青山環古刹彷彿畫圖開  
禪榻留雲宿僧齋喚鶴陪  
聽泉忘久坐刻竹記曾來  
老衲渾無事關門護綠苔

寄平遠臺僧百鍊

京國驅馳十丈埃野心常憶遠公臺  
煙銷竹外茶初熟月滿庭前鶴未回  
半榻白雲垂紙帳一簾香雪落岩梅  
重逢遙在秋深處籬菊須留霜後開

京邸寄閩中諸友

東風隨計上楓宸馬首輕飄九陌塵  
檣櫓敢云清廟選鶯花空負故園春  
香雲迷夢朱樓夜寒雨添愁遠道身  
不識韭盤呼酒處可能遙憶未歸人

懷何仲默

憶昔鄉書謬薦檣帝城煙月共僑居  
文傳錦綉行空馬情契金蘭得水魚  
笑語別來頻入夢燈窗病後久拋書  
相思欲寄關山遠東閣梅花興已虛

遊鼓山

偶隨芳草訪禪關，乘興登臨萬仞山。  
黃鳥有情留客醉，白雲無恙伴僧閒。  
竹籬春暮花猶媚，茶竈煙銷鶴自還。  
不識舊遊題詠句，也曾籠入碧紗間。

遊于山次鄭于漢韻

九仙臺閣倚高峰，扶醉登臨逸趣濃。  
東注春波連野綠，北瞻天闕見雲紅。  
林間影落斜陽鳥，樓外聲傳別寺鐘。  
因待玉人成久坐，不知明月上孤松。

京邸秋懷

西風將冷入窗紗  
旅況無端百感加  
萬里夢魂惟白髮  
一年光景又黃花  
此身好類沙頭鴈  
何日當歸海上家  
不盡乾坤心事在  
倚樓吟對夕陽斜

遊西湖

岸柳汀蘭入望幽  
西湖佳景稱遨遊  
山高僧住空中寺  
水靜漁撐鏡裏舟  
眼隘乾坤今日醉  
心懸廊廟古人憂  
明朝塵跡匆匆去  
慙愧沙頭自在鷗

送楊邦禎還蜀

帝里風光欲暮秋，送君西去路悠悠。  
黃花隨處動吟興，紅葉滿林增別愁。  
雪案且勞親冊簡，雲衢終許騁騅駒。  
臨歧杯酒還深囑，盛世功名在蚤修。

暮春次程鄉大覺寺之白雲亭

半榻雲林冒雨移，小亭幽靜病夫宜。  
韶光倏爾隨駒隙，民瘼從來畏繭絲。  
塵事不關輸老衲，公家未了笑癡兒。  
舊游回首鄉山遠，空負梅房在翠微。



寓三河王內翰先生惠新泉細茶詩以奉謝

南澗清流北苑芽  
玉堂人贈玉川家  
喚青忙剖船頭竹  
浮白旋凝碗面花  
手閱月團差足擬  
身臨釣石底須誇  
生平苦抱文園病  
從此金莖望可賒

贛州見閩錄喜曄中舉

綵鷁朝天贛水過  
喜聞兒聽鹿鳴歌  
豈應駒步能千里  
得際龍飛第一科  
培植深根皆祖澤  
光榮奕葉總恩波  
謝安挈帶同隨計  
杏苑春風待振珂

送鄭員外繼之移病還閩

文園經春祇高卧去住兩合難為情京塵馳驅羸馬怯  
春水蕩漾浮鷗輕身能強健藥奏捷興到揮灑詩入評  
看山有時踏芒屨只許一鶴閒隨行

悼琴童

衣食從吾十載餘晨昏供役念勤渠囊詩慣識橋頭路  
煮茗長依竹外厨解事更誰差可意鬻丁緣爾重增吁  
客舟重過清湖上愁誦柴桑遣力書

姑蘇阻雪用鄭于漢韻奉寄

朔風吹雪滿蘇臺  
羈旅愁腸日幾回  
梅寄隴頭憑驛使  
桃開洞口憶天台  
王郎剡曲辜蘭棹  
天女空中碎玉釵  
却笑長安貧杜甫  
門前風雨更誰來

題趙松雪畫竹

瀟湘寫出一枝春  
宋代王孫筆意新  
見說清風更千畝  
結茅還可避囂塵

題牧牛圖

黃葉岡頭跨犢過澗泉聲似和清歌得芻寄語須歸蚤  
日暮寒山猛虎多

太平

太平溪上客舟過坐聽滄浪醉裏歌無數落花隨水去  
前山風雨夜來多

石倉歷代詩選卷四百六十三